

КОМСОМОЛОНЬ ВАЙГЯЛЪ

ЛИСЕНДИ III-це КИЗОСЬ

Мокшэрзянь ВЛКСМ-нь
обкомть и Саранскаень
горкомть газетасна

Адрессь: г. Саранск, ул. Ленина 9
телефон № 1—72.

14

ИЮНЬСТА
1936 КИЗОНЯ
63 (309)

Лисенди ковти 12-коть

Сьормас афсодама шить машфтомац —пjak оцю задача

Ленинскый комсомолонь Х-це с'езде сембе организациатненень инголи путсь оцю задача сьормас афсодама и сьормас кржа содама шить машфтомаснон колга. Х-це с'ездса примаф программать эса сьормадф:

ВЛКСМ-нь организациатне „вятихть активнай тюрема од ломатьтненень йоткса сьормас аф содама шить и сьормас кржа содама шить марнек машфтомаснон ингса“;

Программаныя пунктсь сембе-донга пjak оцю задачкас ащи минь Мокшэрзянь комсомольскый организациатненень инголя. Сире пингонь шовда шить следонза мянь тнярс кемоста ащихть мокшетненень йоткса. Эрв велеса нингя пjak лама од ломаньда, конат аф содайхть грамотас.

Тя тевти ащи причинакс ся, што комсомольскый организациатненень ашесть кярмодькшне тя оцю тевти. Лама комсомолонь райком мянь тнярс лифнихть цебарь путфкт, тиеньдихть работамань оцю платт но юкснесазь инь главнайть—тонафнемать организовандаманц. Сире Шайговань районца вов ни киза, копа лифнихть цебарь путфкт. РайОНО-нь заведующайсь Маскаевсь наверна аф весть совещанияс шовсезе кяленц сьормас аф содама шить машфтомац колга. Однако мянь тя пингс питай сембе районть эса школатне аф работайхть. Тяфта жа ащи тевсь Кадошкинань Рыбкинань, Торбеюнь райоттненень эзга.

Аф кунара ВКП(б)-нь обкомсь сьормас аф содама шить машфтомац колга йотафць совещание, коса путсь обязанность ВКП(б)-нь райкомтненень, райисполкомтненень и комсомольскый организациатненень лангс кемоста кярмодемс сьормас аф содама шить машфтомацты. Аф ваномок тянь лангс лама район мянь тячинь шис нингембе „аноклайхть“ тя тевти. Кадошкинань, Торбеюнь, Рыбкинань, Шайговань райоттненень эзга мянь тнярс точнайста аф содасазь мзяра ломань аф грамотнайда и малограмотнайда.

Комсомолонь райкомтне, кода няеви, тя пингс аф лувсазь эрвиксоньди пяхкодькшнемс комсомолонь программать и Косарев ялгать указаниязон.

Тяни минь республикасоньк улихть сембе возможностьтне, кода эряви ушедомс сьормас аф содама шить машфтомацты. Минь улихть цебарь педагогоньке, улихть лама цебарьста грамотнай комсомолеценьке и од ломаненьке конат могут кемоста лездомс сьормас аф содама шить машфтомаса. Комсомолонь райкомтненень инголя задачкас ащи ся, штоба райОНО-тненень мархта точнайста лувомс сембе аф грамотнайхненень и малограмотнайхненень. Организовандамс школал, кружокт, явштомс инь цебарь комсомолецненень и од ломатьтненень зада культ-армеецт и школатненень эса ладямс нормальнайста тонафнемать.



„Третий решающий год пятилетки,“ займть 53-це тираженц роизыгрышец Саранскайска.
СНИМКАСА: МАССР-нь наркомфинтть зданияц.

53-це ТИРАЖТЬ ЛЕМСА ПЕРЕХОД

Мзярда Левжань комсомольскый организациатне тонафнезень комсомолонь 10-це с'ездть решениянзон, ся пингева комсомолецне эсь работамань планозост сьормадсть пункт: организовандамс переход Левжавста-Зубуву противогаз мархта и маластонь шитьненень кочкамс команда и ушедомс тренировандамонза.

Тя решениять Левжань комсомольскый организациатне йотафнесы эряфс. Тяни кочкасть команда 12 ломаньшта, сембе комсомолецт, команда 6 стирьнат. Командать мархта тяниень пингть йотафневи тренировка.

А июнтть 11-це шистонза Левжань командась тийсь переход Левжаста—Саранскаи. Тя переходть синь казезь займань 53 тиражть лемс, конац налхкф Саранскайска июнтть 10-11-це шинзон эзда.

Командась Левжаста пачкоць пjak цебарьста. Сембе 12 участникне и командорсь Алемаев ялгась пряснон марясазь цебарьста.

Командорсь корхтай, што стирьнатне пряснон мерязь нингя цюранятненень коряс сяда цебарьста. Тя комайдасть примазе комсомолонь обкомть секретарец Радионова ялгась, канац йотафть мархтост оцю беседа.

Тя беседаса комсомолецне azon-дозь кода ладяф политтонафнемась Левжань комсомольскый организациатне, коданя тонафнезень комсомолонь 10-це с'ездть решениянзон. Комсомолецне корхтайхть, што с'ездть решениянзон тонафнезень. Но мзярда Радионова ялгась макссесь кизефкт уставть колга, то командаста фкявок комсомолец ашезь отвеча ня кизефксненень лангс. Тянь эзда няеви, што Левжань комсомольскый организациатне кальдявста тонафнезень с'ездть решениянзон. Эряви кярмодемс цебарьста синь тонафнемост.

Сяда тов Радионова ялгась кизефнезень военно-физкультурнай работат колга. Тя работась все жа

аф юктаф участка, но сембе сяка военно-физкультурнай работати таргафт аныцек комсомолецне, а афсоюзнай од ломатьтне ащихть ширеса.

Командась пеняцый сянь ланкс, што аш коста добувамс физкультурнай инвентарь: сеткат, мячть и ст. тов, тяфта жа комсомолецне корхтайхть аш спортивной костюпт.

Радионова ялгась кизефнезень комсомолецненень, йорайхть ли сяда тов школаса тонафнемда. Сембе комсомолецненень ули мяльсна тонафнемс, но синь корхтайхть, што афсатомшка знаниясна. Комсомолецне сьавсть обязательства, што синь организовандайхть курст рабфаку и техникуму анокламати инкса и тоза таргасазь од ломатьтненень.

Тяда меле корхтасть Левжаста—Зубуву переходть и анокламати колга. Азондозь кода тренировандайхть, кода марясазь переходонь участникне эсь пряснон и ст. тов.

Командаса оцю афсатыксонс ащи ся, што аф сембе командань члетне ГТО-нь, ПВХО-нь ГСО-нь значкистг.

Радионова ялгась оцю мяль шарфть ся оцю афсатыксть лангс. Сон корхтай, што эряви маластонь пингть кярмодемс ГТО-нь, ГСО-нь и ПВХО-нь значеконьди нармань максомати.

Командорсь Алемаев ялгась арьсесь тумс Зубуву маластонь шитьненень, но Радионова ялгась корхтай, што тяда эряскал, максыентть вяре азф значеконьди норматненень, ладняс тренировандада и июльть васенце шинзон эзда тийсасть переходть.

Тяда башка Радионова ялгась кизефнезень комсомолецненень Левжаста сьормас аф содама шить машфтомац колга. Синь корхтайхть, што Левжаста тя работась ладяф цебарьста. Сьормас афсодай одломаньда аныцек 15 ломатть, конатненень мархта эрв шиня йотафневихть занятия.

А. Дуйков.

„3-й решающий год пятилетки“ займать 53-це тиражец Саранскайска

Саранск. Июнтть 10-11-це шинзон эзда летний городской театраса йотафть „3-й решающий год пятилетки“ займать 35-це тираженц роизыгрышец.

Ня щитненень эзда театрань залсь пяхксель делегатта. Васень рядтненень эса ащихть республикань вельсоветтненень эзда инь цебарь финударникне, конат кочкафт тиражти делегатокс. Культурань и ваймамань парксь наряджаф праздничнай видса. Сембе аллеятненень эса нюрьгихть лозунгт, плакат. Сембе вастова ащихть витринат, ветеринатненень маласа ащихть инь цебарь финударникненень портретсна.

Тиражнай комиссиясь (председатель МАССР-нь ЦИК-ть председателец Сурдин ялгась) кочкаф 56 ломаньшта.

Июнтть 10-це шистонза 6 частса илиять ушедсь розыгрышсь и аделавсь июнтть 11-це шистонза илять.

СССР-нь Наркомфинтть Гринько ялгать приветствияц

Стахановецнененьди ударниконьди, финансовай отличникнененьди и активисттнененьди, конат пуромсть „Третий решающий год пятилетки“ займть тираженц йотафтома—большевистскый привет.

Партиять руководствани ала, ленинско-сталинскый национальнй политикать основаса Мокшэрзянь республикась сатсь оцю сатфкт хозяйственной и культурнай строительстваса, фталу илядфста арси культурнай, ви шкста касы социалистическый республикакс.

Кемоста увереннаян, што Саранскайска тиражть йотафтомац кеподи од волна Мордовиянь трудяйхненень йоткса 1936-це стахановскый кизонь финансово-производственнай плантть пяхкодеманд инкса тюремаса, конац несомненно обеспечендасы тинь республикантонь сяда тов процветаниянц.

СССР-нь Наркомфинц—Гринько.

Аш фкявок кальдяв отметка

Саранск. Ня щитненень мокшэрзянь рабфаконь васенце курсонь мокшень „б“ группась сьормадсь диктант рузонь кяльса. Афваномок сянь ланкс, што группаса 32 ломань и сембе мокшет и тя группань фкявок студент диктантть сьормадомста ашезь получанда кальдяв отметка.

10 студентт диктантть сьормадозь отличнайста, 17 цебарьста и аныцек 5 ломать посредственнайста. Ламоц студенттненень пjak цебарько-лиграфияснвок.

Сембенень коряс цебарьста диктантть сьормадозь Кельганов, Черяпкина и Битейкина комсомолецне, конатненень роботасост аш фкявок ошибка и помарка.

А. Кульма.

Комсомолец—ВЛКСМ-ть уставонц колга КИЕ ЛУВОНДОВИ КОМСОМОЛОНЬ ЧЛЕНОКС

ВЛКСМ-нь членокс лувондови всякайсь, конач примаф комсомоль рядонзонды 15 кизоста сявомок 26 кизотъненди модемс возрастса, признавандакшнесы союзть программанц и уставонц, работай сон организациянзон эзда фкять эса, подчиняндакшни ВЛКСМ-ть сембе путфксонзонды и панны членской взност.

(ВЛКСМ-ть уставонц эзда).

ВЛКСМ-сь ащи советской передовой од ломанень массовой беспартийной коммунистической организациякс. Комсомолонь членкс лувондови всякайсь, конач примаф ВЛКСМ-ть рядонзонды. Комсомолецкс могут улемс 15 кизоста сявомок 26 кизотъненди модемс возрастса юношатыне и стирьнятыне. ВЛКСМ-нь члеттненди сире уставсь ладсесь лия возрастнай даннайхть—14-ста сявомок 23 кизотъненди модемс.

Мекпальденъ кизотъненъ эзда синьценъ од ломатъненъ составсна полафтсь. Производствав сашендыхть тани аф 14 кизоса од ломатъ, а од ломатъ 15-16 кизоса. Сяда башка комсомолсь эсь влиянианц мархта фатнесыне сяда, сире возрастса школьникненъ. 15 кизос модемс возрастса идьтненъ и подросткатъненъ запроссон пашькодъкшне сыне пионерской организациясь, конач тани пингта ламода кассь и кеомкстась. Омбоце ширьде, комсомолсь эсь влиянианц мархта фатнесыне од ломанень и сяда взрослай слойхненъ. Тянь мархта, башка азомс, азонкшневи ся фактсь, што комсомолса ащитхъ 30 процентта лама од ломатъ 23 кизода сирет. Эрэви путомс мялсь и сявок, што большевистской партиаь, конанцы резервакс минь ащетама, примсесыне эсь рядозонза (лия условияда башка) сятненъ, кие йотась общественно-политической работань оцю школа. Сембе тянь результатса од ломатъненъ возрастнай составсна комсомолса кассь.

Уставть васенце пунктонцы ули специальной примечание. Сон азонкшнесы, што комсомолонь члеттне, конатъненди пашькодъсь 26 кизот, могут лиядкшнемс организацияса советательнай голосонъ права мархта. Но нят комсомолецне, тяфта азонкшневи „переросткатъне“, отличияс кандидаттненъ эзда, конат тяфта жи польовандайхть советательнай голосса, могут улемс кочкафт руководящай комсомольской оргаттненди (комитету, райкому и ст. тов). Эста синь мельгаст лиядкшни решающей голосонъ правась.

Возрастнай даннайхне, конечно, аф совсем азонкшнесазь (исчерпывают) кизефкт сян колга, кие лувондови ВЛКСМ-нь членкс.

Комсомольцекс может улемс аныцек ся, кие признандакшнесы союзть программанц и уставонц.

Минь союзонькень нят пяк важнай документонза, конат примафт Х-ие с'ездса, аф аныцек азонкшнесазь эрь комсомолецть поведенианц колга правилатненъ, но ащитхъ союзонь эрь организациити руководствакс действия. „ВЛКСМ-ть программанц эзда кодама ба афоль уль отступлениась аф совместимай комсомолса ащетама мархта“ (ВЛКСМ-нь уставста).

Не признавандакшнемс программаты и уставть—тя нинге аф сембе. Комсомолецкс лувондови аныцек ся, кие активна работай союзть

организациянзон эзда фкять эса и подчиняндакшни ВЛКСМ-ть сембе путфксонзонды.

Минь получсеме комсомолецненъ эзда сьормат, конатъненъ эса авторхне корхнестъ, што комсомолецсь йофси аф обязан активна работамс первичнай организациятьненъ эзда фкять эса. Тя утверждениась, конечно, аф виде.

Минь воспитандакшнесакс эсь пряньконъ большевизматъ славнай традициянзон и опытонц лангса. Лятфтасть большевистской партиаь основателени В. И. Ленинтъ РСДРП-нь II-це с'ездса меньшевикненъ каршес героической тюремани. Организационнай кизефкса сян колга, кие может улемс партианъ членкс, РСДРП-нь II-це с'ездса кеподьсь принципиальной политической спор. Менеевикне лувондозь, што партианъ членкс может улемс всякайсь, кие примсесы сонь программанц, лезни (поддерживает) партиаь материальна, максси (оказывает) теенза содействия. Партиаь организациянзон эзда фкять эса работай синь изь путне партианъ члентти обязанностекс.

Ленин лия условияда башка сембеда пяк подчеркивал партианай организациятьненъ эзда фкя организацияса активнай работай необходимостенц. Тяньфтома немьслимай партиаь контролець сонь членонзон эзда кажнайтъ лангса, немьслимай железнай дисциплинась, аш кода „явоштомс „болтаюшайхненъ работайхненъ эзда“, аш кода строямс од типонъ партиаь—работай классть боевой, передовой и организованнай отрядонци.

ВКП(б)-ть эзда отличияс комсомолсь беспартийной организация. Но сяка жа пиньгть комсомолсь—партиаь резервац. Минь задачаньке—воспитандакшнемс достойнай смена партиаь, вырабатывандакшнемс комсомолецненъ эса большевиконъ качества: дисциплинированность и организованность. Первичнай организацияса активнай работась макссесыне комсомолецти нят качестваьненъ.

Воспитандакшнемс, тонафнемс комсомолецть, макссеме (прививать) теенза организаторской навьит обязан первичнай организациясь. Сяконъ мархта марса комсомолецти ащитхъ обязательнайкс афаньцек эсь первичнай организациянц и райкомть путфкссна, но ВЛКСМ-ть сембе путфксонза, конатъненди сон подчиняндакшни и конатъненъ пашькодъкшнемаснон инкса сон тюрю.

Комсомолецсь обязан паннемс членской взност. Членской взносонъ пандомась—комсомолецть сознательнай дисциплинированностенц фкя инь показателець.

Вов тяфта, комсомолонь членокс, кода корхтави уставса, лувондови всякайсь, конач примаф ВЛКСМ-ть рядонзонды 15 ста сявомок 26 кизотъненди модемс возрастса, признавандакшнесы союзть программанц и уставонц, работай сонь организациянзон эзда фкять эса, подчиняндакшни ВЛКСМ-ть сембе путфксонзонды и панны членской взност.

Сембе нят признакне, марса сьавфста, азонкшнесазь (определяют) Одломанень Коммунистической союзи од ломантъ принадлежностенц. Признакненъ эзда фкяське, башка сьавфста, аф соответствовандай ся определения, кие лувондови ВЛКСМ-нь членкс. Фкя-кафта признакненъ коряс определениясь ули афполнай, а сяс афправильнай.



„Третий решающий год пятилетки“ занять 53-це тираженц роизыгрышец йотафневсь Саранскаень ваймама и культурань паркса. СНИМКАСА: Ваймамань и культурань паркти сувама ортатыне.

ВЛКСМ-нь райкомтненъ политучебанъ отделонъ заведующайснон совещаниястост

Мокшэрзянь ВЛКСМ-нь обкомсь июнтть 8—9-це шистонза йотафць ВЛКСМ-нь райкомонъ политучебанъ отделхненъ заведующайснон мархта совещания. Конанъ эса ванонфт каф та основной кизефкт: пропагандисттненъ мархта работай колга (тисть докладт Слободань, Чамзинкань, Рузаевкань, Зубунъ ВЛКСМ-нь райкомонъ политучебанъ отделхненъ заведующайсна), омбоцекс, ВКП(б)-ть историянц тонафнема кружокненъ состояниаснон колга.

Тя совещанияса нинге сядонга крхкаста нийф политтонафнематъ эса ся положениясь, што лама ВЛКСМ-нь райкомтне тя тевса работайхть афудовлетворительнайста. Кой-кона райкомтне тя пингс сембе „комплектотандайхть“ кружокненъ эса, „фатнесазь“ комсомолецненъ политтонафнемаса, тевса жа синь тя пингс тапсихть фкя вастса (Лямбирень, Теньгушевань).

Кепотьксоньди, вов Слободанъ ВЛКСМ-нь райкомть политучебанъ отделть заведующаец Рункова ялгать тийф докладстонза ниеви, што пропагандисттненъ мархта работась мольфневи лафчста. Тя няеви сян эзда, што мекольденъ 4

кофненъ пингста валхтфт работаста 9 пропагандистт. А мда сявомс пропсеминартъ и ваномс сонь качестванц, то тевсь ащи нинге сядонга кальдявста.

Тяда башка Слободанъ райкомсь нарушандакшнесыне ЦК-ть уставонзон. 20 пропагандистт кеомкстась ВЛКСМ-нь райкомть бюронц заседаниясонза заочно, синць ломатътне тя бюроса ашельхть. Ся пингста, кода ули категорической предупреждения ЦК-ть ширьде, што пропагандисттне эрэвихть кеомкнемс эсь ингольдест (в присутствии).

Тя совещанияса выступал Мокшэрзянь ВКП(б) нь обкомть культпропотделонц заведующаец Мата-сов ялгась, конач эсь выступлениасонза макссь практической указаний кода эрэви организовандамс пропагандисттненъ мархта работай. Оцю пялькс явфць эсь выступленианц эзда пропсеминартъ йотафтоманц колга.

Тяда меле лисендьст корхтама ВЛКСМ-нь обкомть секретарець Иванов ялгась и ВЛКСМ-нь обкомть политучебанъ отделонц заведующаец Лисенков ялгась,

И. К.

Футбол

Ня шитненъ Саранскаень „Спартак“ обществатъ футбольнай командац якась Ульяновск ошу футболса налхкома. Налхкомась аделавсь 1: 7 Ульяновской футбольнай командатъ пользас.

Июнтть 12-це шистонза Саранскаень стадионца налхксть футболса рабфаконъ и 11-це № школанъ футбольнай командатне. Налхкомась аделавсь 4:0 11-це № школанъ футбольнай командатъ пользас.

Тийф физкультурнай площадка

Шайгав. Вертелимонь морафтома кудть заведующаец Тупоров кярмодьсь культурно-массовой работай ладямонза.

Тяни комсомольской организациять инициативанц вельде тийф физкультурнай площадка. Но кальдяв ся, што колхозонъ правлениясь аф максси кодамовок лезкс одломатътненди, нильня сторож аф йорай путомс морафтома куду. Шакир.

Отв. редакторсь С. С. ЛАРИОНОВ

Уполномоченный главлито № 782. Заказ № 2031. Тираж 2325.

Саранск типография „Красный Октябрь“ Мордгиза